

PAWLPI KIPATCIL

Petencost Pawini - Christian Pawlpi Suahkhiatni (Sawltak 1,2 leh Mt 16:18)

Petencost Pawi ni-in, Khasiangtho hong kumsukna tawh, Pawlpi hong piangkha hi ci-in kiciamteh hi. Tua ni-in kuateng na om hiam:

- 1) Nungzuipi te
- 2) Thu ummi te
- 3) Jesu Nu Maria.

Himi tengin bang hih dingin, koi ah om uhhiam ihcih ciangin:

- 1) Jerusalem khua sungah Innkhat ah om
- 2) Inndei tungnung ah om uh
- 3) Thungen khawm uh.

Amau te tungah Khasiantho hong kumsuk ciangin, a thokik Topa tungah upna aneite nuntakna hongno suahin, hong khang lo a, launa pan suakta in, Pasion gamkeek ding hongkipan pah uhhi. Bang phawkhuai thu i mu thei hiam i cih ciangin, Christian ahi, Jesu Topa tungah upna nei-in, Khasiangtho hang in, khan lawhna leh Topa sungah nuntakna thak tawh ano suak mi te in:

- i) Nungzuipi te tawh athubek hilo, ami mahmah tawh innkhan khat sungah omkhawm in, thungetna biakpiakna piakhawm ding ahihi. Tua innkhan khat in Pawlpi khat lim ahihi.
- ii) Tua Nungzuipi te in, amau leh thu ummi te bek hilo in, Jesu Topa' Nu zongtawh akibangin, thu nangen khawm uhhi. Nungzuipi te tawh kipawlna Pawlpi khat sungah, Jesu' Nu Maria zong Christian te tawh innkuankhat ahihi.

iii) Christian te in Nungzuipi te leh Jesu Topa' Nu tawh inn khankhat ahi upna khat sungah, Khasiangtho khat asang khawmte ahi uhhi.

iv) Hih thu hangin, Nungzuipi te le Jesu' Nu Maria tawh kipawl lo in, mi khatpeuh in Christian thu ummi taktak suak theilo in, Christian Pawlpi cih zong, utbangan lamtawm thei ngeilo hi. (Sawltak 1,2 leh Mt 16:18).

v) Maria in Christian masa hi in, Nungzuipi te le Christian masa te tawh kizopna ah, Maria zong kihemkhia theilo hi. Banghanghiam cih leh amah in Nungzuipi te leh Christian masa te tawh pumkhat ahihi.

vi) Pentecost ni in, Khasiangtho in mi 120 tungah kumsuka, tua ni a, Khasiangtho ngah khempeuh leh Khasiangtho tawh aki dim Maria (Lk 1:28ff) pen innkhat sungah, aw kikhat in thungen in, Jesu Topa na phat thei uhhi. Tua ahih manin, Khasiangtho ii lawnhak, sukkhak Christian te in, Pentecost pawl hongtunma kum 33 lai pek in, Khasiangtho tawh akidim khinsa Maria tawh aw kikhat in Jesu in Topa hi ci in, phat ding uhhi.

vii) Pentecost pawl ni in akum Khasiangtho in, Maria atuamcip Khasiangtho mah hi in, Khasiangtho khatbek om ahih man in, Khasiangtho kangah hi aci mi khatpeuhmah in, Khasiangtho tawh akidim Maria tawh kikhenkhial thei ngei lo in, ama ngah Khasiangtho le Maria atuamcip Khasiangtho zong khenkhia thei ngeilo hi.